

Soalan Lazim untuk BizMula-*i* dan BizWanita-*i* dengan penyaluran melalui dana BNM untuk PKS

No.	Soalan	Jawapan
1.	Siapakah yang berkelayakan untuk memohon BizMula- <i>i</i> dan/ atau BizWanita- <i>i</i> melalui dana BNM untuk PKS?	i) Perniagaan yang diklasifikasikan sebagai PKS yang menepati definisi Majlis Pembangunan PKS Kebangsaan (MPPK); dan ii) Perniagaan adalah berdaftar dengan Suruhanjaya Syarikat Malaysia (SSM); atau pihak berkuasa/ pejabat daerah di Sabah dan Sarawak; atau badan berkanun untuk penyedia perkhidmatan professional; dan iii) Dana pemegang saham tidak melebihi RM5 juta; dan iv) Pegangan saham oleh Syarikat Awam Tersenarai dan Syarikat Berkaitan Kerajaan (jika ada) dalam PKS tidak melebihi 20%; dan v) Perniagaan dimiliki dan dikuasai oleh warganegara Malaysia yang menetap di Malaysia dan memiliki minima 51% pegangan saham dalam PKS. Syarat-syarat yang dinyatakan diatas hendaklah dipatuhi sepanjang tempoh pembiayaan, kegagalan untuk berbuat demikian akan menyebabkan perubahan kadar keuntungan efektif atau kemudahan pembiayaan akan ditarik balik.
2.	Adakah individu berkelayakan untuk memohon BizMula- <i>i</i> dan/ atau BizWanita- <i>i</i> melalui dana BNM untuk PKS?	Tidak. BizMula- <i>i</i> dan/ atau BizWanita- <i>i</i> hanya dibuka kepada perniagaan yang telah berdaftar dengan SSM; atau pihak berkuasa/ pejabat daerah di Sabah dan Sarawak; atau badan berkanun untuk penyedia perkhidmatan professional.
3.	Apakah keperluan minima bagi permohonan untuk BizMula- <i>i</i> dan/ atau BizWanita- <i>i</i> melalui dana BNM untuk PKS?	Keperluan minima adalah seperti berikut: i) Perniagaan telah didaftarkan dan/ atau beroperasi kurang dari 4 tahun; ii) Kakitangan utama/ pengganti hendaklah berumur sekurang-kurangnya 21 tahun semasa permohonan dan tidak melebihi 65 tahun semasa tarikh penyelesaian pembiayaan; iii) Dana pemegang saham atau modal berbayar minima sebanyak RM20,000.
4.	Jika saya mempunyai pembiayaan sedia ada dengan CGC, bolehkah saya memohon untuk pembiayaan BizMula- <i>i</i> dan/ atau BizWanita- <i>i</i> melalui dana BNM untuk PKS?	Ya, tetapi kelulusan untuk permohonan pembiayaan BizMula- <i>i</i> dan/ atau BizWanita- <i>i</i> melalui dana BNM untuk PKS adalah tertakluk kepada kriteria kelayakan dan penilaian oleh CGC.
5.	Apakah jumlah minima dan maksima pembiayaan bagi BizMula- <i>i</i> dan BizWanita- <i>i</i> melalui dana BNM untuk PKS?	Jumlah minima: RM30,000 Jumlah maksima: RM300,000
6.	Apakah tempoh maksima pembiayaan bagi BizMula- <i>i</i> dan BizWanita- <i>i</i> melalui dana BNM untuk PKS?	Tempoh maksima pembiayaan adalah sehingga 5 tahun.
7.	Apakah kadar keuntungan efektif bagi BizMula- <i>i</i> dan BizWanita- <i>i</i> melalui dana BNM untuk PKS?	a) BizMula-<i>i</i> :- = *Kadar Pembiayaan BNM pada 1.50% + 6.50% setahun. = 8.00% setahun. b) BizWanita-<i>i</i> :- = *Kadar Pembiayaan BNM pada 1.50% + 6.30% setahun = 7.80% setahun. *Kadar Pembiayaan BNM pada 19 Jun 2017 adalah 1.50% Kadar keuntungan efektif yang dicajkan adalah berdasarkan garis panduan BNM dan tertakluk kepada perubahan mengikut budi bicara BNM dan/ atau CGC.

8.	Adakah kedua-dua pembiayaan BizMula- <i>i</i> dan BizWanita- <i>i</i> melalui dana BNM untuk PKS ditawarkan sebagai pembiayaan konvensional atau Islamik? Jikalau ialah pembiayaan Islamik, apakah prinsip Shari'ah yang berkenaan?	Kedua-dua pembiayaan BizMula- <i>i</i> dan BizWanita- <i>i</i> melalui dana BNM untuk PKS adalah pembiayaan Islamik berasaskan prinsip Komoditi Murabahah.
9.	Apakah perbezaan BizWanita- <i>i</i> dan BizMula- <i>i</i> ?	BizWanita- <i>i</i> hanya dibuka kepada syarikat atau perniagaan dengan sekurang-kurangnya 51% pegangan saham dimiliki oleh wanita dan kakitangan utama adalah wanita ketika permohonan dibuat.
10.	Bolehkah saya membuat pembiayaan semula untuk pembiayaan CGC yang sedia ada melalui BizMula- <i>i</i> dan/ atau BizWanita- <i>i</i> ?	Tidak. BizMula-<i>i</i> dan/ atau BizWanita-<i>i</i> melalui dana BNM untuk PKS adalah dibuka untuk tujuan modal kerja dan/ atau perolehan aset. Pembiayaan ini tidak boleh digunakan untuk aktiviti berikut: i) Pembelian saham; ii) Pembiayaan semula kemudahan kredit/ pembiayaan sedia ada; iii) Pembelian tanah/ pelaburan hartanah; iv) Pembelian hartanah perniagaan; v) Pembangunan hartanah; vi) Pelaburan oleh syarikat pegangan pelaburan; vii) Aktiviti yang melibatkan wang sebagai stok dagangan (termasuk kredit, pajakan, pemfaktoran dan perniagaan insurans); viii) Perjudian, alkohol, tembakau atau aktiviti dan produk jenis lain yang seumpamanya; ix) Aktiviti perniagaan yang tidak patuh Shari'ah.
11.	Adakah saya akan dimaklumkan jika permohonan saya telah diluluskan atau ditolak?	Ya, CGC akan memaklumkan pelanggan untuk menerima surat tawaran jika permohonan telah diluluskan. Jika tidak, pelanggan akan dimaklumkan bahawa permohonan telah ditolak.
12.	Setelah tawaran pembiayaan diterima, bilakah jumlah pembiayaan akan disalurkan dalam akaun?	Penyaluran jumlah pembiayaan dalam akaun pelanggan adalah tertakluk kepada kelulusan dari BNM dan penyiapan dokumentasi. Jika permohonan ditolak oleh BNM, penyaluran pembiayaan dalam akaun pelanggan tidak boleh dibuat. Tarikh penyaluran pembiayaan untuk setiap bulan adalah 15 dan 27 haribulan dengan pengecualian untuk bulan Februari di mana penyaluran pembiayaan dibuat pada 15 dan 25 haribulan. Jikalau tarikh yang disebut di atas adalah hujung minggu dan/ atau hari cuti kebangsaan yang diwartakan, tarikh berkenaan akan ditukar kepada hari bekerja yang sebelumnya.
13.	Bagaimanakah saya membuat bayaran ansuran bulanan untuk pembiayaan ini?	Pelanggan mesti mendaftar untuk kemudahan arahan tetap dengan Maybank Islamic Berhad bagi tujuan bayaran ansuran bulanan pembiayaan BizMula- <i>i</i> dan BizWanita- <i>i</i> masing-masing dengan hari pembayaran pada 25 haribulan pada setiap bulan.
14.	Bilakah bayaran ansuran bulanan pertama akan bermula?	Bayaran ansuran bulanan pertama adalah berdasarkan kepada kitaran berikut: i) Penyaluran pembiayaan pada tarikh 15 haribulan: *Bulan sama (Hujung bulan); ii) Penyaluran pembiayaan pada tarikh 27 haribulan (Februari: 25 haribulan): *Bulan berikutnya (Hujung bulan).

		*Tarikh bayaran efektif untuk arahan tetap adalah pada 25 haribulan.
15.	Bolehkah saya membuat pra-bayaran semasa tempoh pembiayaan?	Tidak.
16.	Bolehkah saya membuat penyelesaian awal sebelum kematangan pembiayaan?	Ya. CGC akan memberikan ibra' kepada pelanggan yang membuat penyelesaian awal sebelum kematangan pembiayaan (seperti yang dinyatakan dalam perjanjian kemudahan).
17.	Jika saya berminat untuk mendapatkan maklumat lanjut atau memohon untuk BizMula-i dan/ atau BizWanita-i melalui dana BNM untuk PKS, di manakah saya boleh rujuk kepada?	Sila mengunjungi mana-mana cawangan CGC yang berdekatan (https://www.cgc.com.my/cgc-branches/) atau menghubungi Client Service Centre (https://www.cgc.com.my/client-service-centre/).